

## DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

## QUÆSTIO MEDICA,

CARDINALITIIS DISPUTATIONIBUS;

*manè discutienda, in Scholis Medicorum, die Jovis vigesima  
mensis Martii, anno Domini M. DCC. LXXVII.*

M. HYACINTHO THEODORO BARON;

Antiquo Facultatis Decano, nec-non Castrorum Regis & Exercituum in  
Germaniâ & in Italiâ Proto-Medicus, Doctore Medico, Præsede.*An Vinum Parisiensibus salubre?*

I.



ON satis est ad sanitatem corporis tuendam ut dapibus famem sedemus; sed sitim potibus restringere, cibis vehiculum præbere incumbit necessitas; ne quamlibet autem crateram arripias; delectu opus est, non eadem omnibus opitulari quotidiana docet experientia. Nec te moveant acuti hydropotarum seu tremuli bibacum clamores; primi lymphæ potum summis extollunt laudibus, ex illâ dimanare uberem roboris, ex vino morborum, fontem asserunt: quos dulcia tentant meri pocula, ii ipsi summet aquæ nomen expavescentes, vires quibus pollent Baccho ascribunt. Medium autem est in rebus; sua unicuique poculento manet laus, peculiare unicuique sunt dotes. Quam ad communem usum paravit ipsamet natura, genuinum aqua latici chyliifero suggerit vehiculum, citius corporis incernicula permeat eaque patula servat: sola olim primorum hominum sitim levabat; verum attendas velim; naturali & hodie inassueto utebantur vivendi modo; vigeant corpore & moribus; aberant luxur & turpes deliciæ; famem quærebant laboribus & exercitiis; ipsis igitur aridire poterat imò & debebat lymphæ simplicioris potus. At toto cælo discrepant ab iis homines hodierni, illi præcipuè qui magnas incolunt civitates quas luxur, vitiorum & morborum incunabula esse nemo non confitetur. Quid igitur præstarent in tantâ diversitate similia? qui juvaret prolem degenerem & imbellem aquæ potus? Nec tu, Sequana, nimium aquarum salubritatem collaudes; salubres quidem sunt, sed salubribus; optimum præbent potum, sed robustis & bene moratis corporibus. Debilis & corrupta Parisensium constitutio pocula requirit validiora & vires instaurantia; illa autem ex cellis depromantur. Nostrum igitur consilium lucro appo-



nant. Ne tamen verba dare sine ratione videamur, mox enarrabimus, quænam sint meri dotes, & cur illud pro civium temperie præstantius esse censeamus.

I I.

VINUM nuncupatur succus ex uvis pressus, mediante aeris calore per fermentationis motum mutatus in liquidum purum, pellucidum, spirituosum partibus nobile, odore & sapore gratum; præter has qualitates externas in omnibus vinis obvias, aliæ reperiuntur quibus maximè inter se differunt, ideò quatuor generatim numerantur vinorum genera; dulcia, nempe & saccharata, qualia sunt regionum calidarum; austera, ut Burdigalensia; media vel temperata inter quæ collocantur Burgundiaca; levia demum & spumosa, in quorum numero adsunt Campana & Rhenana. Vinum quodcumque destillationi per balneum maris commissum, suppeditat 1°. liquorem admodum volatilem, odore grato, sapore urente præditum, inflammabilem, aquæ & oleis miscilem, spiritus vini nomine: 2°. aquam quæ in vino magnâ reperitur copiâ: 3°. demum superstes in vasis fundo materia continet tartarum & in vinis rubris partem colorantem: quantitas hujus extracti varia est in variis vinis; vina dulcia & saccharata ut Alonense, Moschatellinum, adeò eâ extractivâ scatent parte ut in moschatellini pintâ unâ ad uncias tres accedat dum in vino temperato non drachmas sex superet: in vinis austis & spissis ut Burdigalensibus, tartarus abundat. Vina Campana & Rhenana, ut pote levia, ferventia & aëre turgida, parte spirituosâ magis turgent, paucum verò suppeditant extractum. Harum differentiarum habenda est ratio ut innotescant eximie vini dotes, certiusque determinetur quodnam cuique subiecto sit magis proficuum. At salutis suæ studiosus, fugiat angue pejus, tabernæ cauponum illorum qui sacrâ auri fame impulsî arte detestandâ vina miscent aut adulterant. Inter enim varia quæ adhibent ad facienda vina acescentia, nihil nocentius quam lythargirus aut aliæ plumbi calces; hoc metallum gratam vinis restituit dulcedinem, sed omnes venenorum effectus producit; hinc cruciatus emergunt horrendi, convulsiones, ventris retractio, vomitus-biliofi, paralytes, lypothimie & atrociora symptomata in venenatis solemnia. Fraudes tamen istæ detegi possunt, modumque chemia indicat, vel evaporatione vini ad siccitatem, residuique fusione in crucibulo; vel infundendo liquidum sulphuris hepar, sit enim præcipitatio materiae fusæ & subatræ, si plumbo adulteretur. Sed misso ulteriori vinorum examine, ne ultra objectum divagari videar; nunc incumbit probandum, cur meri usum suadeat Parisiensibus præsens eorum constitutio & vivendi modus.

I II.

INTER causas innumeras à quibus pendet præsens Parisiensium temperies, præcipuè in censum venient, naturalis aeris constitutio, vivendi modus & unius cujusque crasis à parentibus accepta: cæteris immorari supervacaneum foret; nec minus certè veritas nostræ propositionis elucescet.

Quantum debilem Parisiensium temperiem foveat humida aeris constitutio, nemo, nisi planè rudis & inexpertus, ignorat; quid enim insalubrius esse potest, quam illæ obscuræ pistæque caligines, quibus per majorem anni partem tota infestatur civitas? Undè catharri, tussis, peripneumonie, pleuritides, angina, defluxiones oris, narium, & illa morborum ilias, quæ per totam hyemem desæviunt, nisi à tali causa? Non mirum certè, si incolæ vias humidas pererrantes, capite ab atmosphærâ frigidâ & aquosâ refrigerato, iis sint morbis obnoxii; sistitur enim transpiratio, serum in corpore cumulatur, fibræ pulmonum relaxantur; visne illæsum tueri fibrarum tonum, liberam humori per cutis po-

ros exsudanti viam conservare, vino utere generoso, hinc millena bona; partibus nempe spirituosius scatente copiosius sanguine, novum cordi calcar addetur, calor in extremas diffunditur corporis partes; uberius cutis & renum excretio corpus ab exundanti sero liberabit; sic aptius ad omnes motus evadet, vegetaque stabit sanitas. Cave autem ne merum lymphâ nimîâ corrupas, meracius bibendum, hyeme præsertim humidâ, ne nimium refrigeretur jam frigidum corpus.

Nunc ut novum nostræ addatur propositioni argumentum, Parisiensium vivendi modum oculis subjiciamus; quis rerum obliervandarum paululum peritus, hanc magis ac magis degenerem & imbellem fieri non contpexerit? Nunc ubique latè regna tenet effræna libido, huc venercâ, vel vitio parentum, vel suo major inquinatur civium numerus, innatus corporis calor præmaturè diffilatur, & ante senectutem senescunt & resolvuntur corpora; ex his, si nubant, non herculea certè expectanda progenies, quin imò miseri infantes indè nati plestuntur pro parentibus; adeò debili pollent fibrarum texturâ, ut brevi fatiscant viscera, vix in lucem edito infante munus adimplere jam renuentia; hinc contorti & deformes fiunt; hinc tot rachiticos Lutetiis videre est ita ut in adagium pro civibus transierit iste morbus. Gravia sunt ista mala, sed non immedicabilia, imò & præcaveri possunt; debilitas fibrarum prima est causa, huic igitur occurrendo, sequelis & occurreretur: quid autem hos effectus præstantius exerere potest quam vini usus? Nutrit simul & roborat, digestionem propiciat, hinc ros chyloferus spiritibus scatens vires addit organis; hinc in obscuro latentia morborum femina vel suffocantur vel eliminantur. At hominis est optima prævertere & in extrema ruere; non huic dulce vinum sapit; non arident Bacchi munera; multi enim aquæ potum metu vini festantes, non tamen ab haustu liquorum ardentium temperare possunt, at summam illos sibi inferre noxam quotidiana probat experientia; namque præter ebrietatem cæteris periculosiorem, organa exsiccant, humores cogunt, stomachi tonum infirmant & calorem naturalem sensum restinguunt. Ab his igitur caveant qui salutis suæ consulere student, sed Baccho aliquoties litare ne vereantur, sin minus aliquando vituperii pœnas luent eosque ferius ultrix urgebit conscientia.

#### I V.

NOVA nunc aggredimur; huc usque vinum Parisiensibus convenire sat probavimus; nunc de fœminis ejusdem urbis peculiariter dicendum; vinique usum non respuere earum temperiem ex infrâ dictis patebit. Ità enim à naturâ constitutæ nascuntur fœminæ ut debiliori polleant temperie quam homines; felices tamen si non ipsæ nativam crasim adhuc depravarent, sed otio recumbentes perpetuo, à laboribus quibuscumque abhorrent, solis æstus vel brumalem auram vitare sollicitæ, nunquam aeris vicissitudines experiuntur; hinc delicatior fibrarum nervearum textura, minimis offenditur, robore defraudatur corpus; morbis à debilitate fibræ, fiunt obnoxie; hinc proteiformis prodit hysteris. Huic debilitati mederi certè nequit aquæ potus; vino igitur utantur, & lubrica firmabitur valetudo. Hujus effectus videre est in mulieribus & viraginibus quæ poculis indulgent, vox bene sonora fauces adimplet, firmior vis corporis tonica, ad validiora exercitia corpus convertere queunt; absit tamen ut vini usum qualem in hominibus suadeam fœminis, meracius illis, dilutius his ut potè nimium irribilibus, convenit. Tantas vino dotes nos adscribere multi sanè mirabuntur, non tamen nova sunt & inaudita illa præconia; eximios ejus effectus non solum in corpus sed etiam in animum cecinerunt antiqui. Ingenii fomes & animi spe-

culum audit; atrox abigit curas, frontis rugas delet, facitque disertos:

*Tu spem reducis mentibus anxiiis*

*Spes donare novas largus, amaraque*

*Curarum eluere efficax.*

Illi igitur, quos sacrae Apollinis artes noctū diūque alliciunt & assiduū fatigant studiū, mero etiam aliquoties indulgeant; doctrinam etenim non rarō morbo multiplici rependunt, nec sine detrimento corporis crescit ingenii acumen; tenuis ille nervorum vapor qui motum & vitam omnibus impertitur partibus ad cerebrum tunc confluit; hinc omnia viscera liquore spirituofo orbata languent, quiete ultrā modum protractā fatiscunt & resolvuntur fibræ, primus pleñitur ventriculus, digestioque deficiente aurā nerveā malē perficitur\*; tantis tamen occurrere malis non difficile, non propterea studiis valedicendum; Bacchus nempe uberem roboris fontem illis indicat; grata illius dona capeffant; brevi ab ingesto spiritu turgenibus nervorum flaminibus restaurabitur ventriculus, debiles revivifcent fibræ, vis novā redibit organis, munia sua iterū adimplebunt, & vitā novā roboreque novototū exultabit corpus.

\* Vid. Thef. amantiff. Collegæ Rouffelde Vauzefine, *An perfectio digestionis à laice Nerveo?* anno 1776.

V.

**A**T obijcient nonnulli vinum tanquam medicamentum præscribi debere, noxiosque semper ab ejus usu deprehendi effectus. Caveant illi aquæ potatores, ne voluptate suā nimium delusi mala in vinum refundant quæ ab ejus moderato haustu nunquam sequuntur; nulli noceat vini usus nisi sit immodicus; cumque omnibus non eadem esse possit mensura, quisque sibi convenientem exquirat; juvenes parcius utantur, largius adulti & senes; dilutius offeratur pueris & foeminis.

Hinc videtis, quantum prodesse possit meri potus; corpus contra vitia quæ ab aeris inclementiā pendent, solus tuebitur, debilitati fibrarum occurret, & latentia morborum semina præcavebit. Cum tamen optima sæpissimè fiant inutilia, imò & in perniciem corporis vertantur, solutā vivendi normā; moderatè omnibus utamini: si vitam recte dispensare velitis, nec fugienda petendis immiscere, quanta bona Bacchus amicis prudentibus largiatur, sentietis.

*Ergo vinum Parisensibus salubre,*

Proponēbat Parisiis GUILLELMUS MICHEL, Stenacæus, Saluberrimæ  
Facultatis Medicinæ Parisiensis Baccalaureus, Theſeos Auctor,  
A. R. S. H. 1777. A. SEXTA 4D MERIDIEM,

Typis QUILLAU, Universitatis & Facultatis Medicinæ Typographi, 1777.